



Қ А Р О Р И

2020 йил 30 декабрь

№ 1231/21

Булунғур туманининг ижтимоий- иқтисодий ривожланиш даражасини баҳолашнинг рейтинг кўрсаткичлари бўйича амалга оширилган ишлар тўғрисида туман ҳокимининг молия-иқтисод ва камбағалликни қисқартириш масалалари бўйича биринчи ўринбосари – Иқтисодий тараққиёт ва камбағалликни қисқартириш бўлими бошлиғининг бош мутахассиси С.Ачиловнинг хисоботи тўғрисида

Ўзбекистон Республикаси Президенти Ш.М.Мирзиёев раислигида жорий йилнинг 24 сентябрь куни ҳудудларда тадбиркорликни ривожлантириш бўйича қўшимча чора-тадбирлар муҳокамаси юзасидан ўтказилган видеоселектор йиғилишида ҳудудларни ижтимоий-иқтисодий ривожлантиришни рейтинг баҳолаш тизими асосида туман ва шаҳарлардаги иқтисодий кўрсаткичлар, тадбиркорликни қўллаб-қувватлаш муҳити, инфратузилма ва мавжуд ресурслардан фойдаланиш даражаси ўрганилиб таҳлиллар асосида улардаги тадбиркорлик ривожига ҳолати “яхши”, “ўрта” ва “қоникарсиз” ҳудудларга ажратилди.

Президентимизнинг 2020 йил 1 майдаги 4702-сонли қарори ижросини таъминлаш Ўзбекистон Республикаси Олий Мажлиси Сенатининг 2020 йил 25 сентябрдаги 01-22/1560-сонли топшириғига асосан, халқ депутатлари Булунғур туман Кенгашининг 21 -сессияси

ҚАРОР ҚИЛАДИ:

1. Булунғур туманининг ижтимоий-иқтисодий ривожланиш даражасини баҳолашнинг рейтинг кўрсаткичлари бўйича амалга оширилган ишлар ҳақида туман ҳокимининг молия-иқтисод ва камбағалликни қисқартириш масалалари бўйича биринчи ўринбосари – Иқтисодий тараққиёт ва камбағалликни қисқартириш бўлими бошлиғининг бош мутахассиси С.Ачиловнинг хисоботи маълумот учун қабул қилинсин.

2. Туманнинг ижтимоий-иқтисодий жиҳатдан янада ривожлантириш, ҳамда хар бир йўналишдаги ишларни жадаллаштириш мақсадида туман ҳокимининг молия-иқтисод ва камбағалликни қисқартириш масалалари бўйича биринчи ўринбосари – Иқтисодий тараққиёт ва камбағалликни қисқартириш бўлими бошлиғининг бош мутахассиси (С.Ачилов), туман иқтисодиёт ва камбағалликни қисқартириш бўлими бошлиғи (Ф.Шодмонов), тумандаги секторлар раҳбарлари (С.Саидов, Б.Жўрақулов, Ш.Эшмуродов)лар билан биргаликда:

туманнинг ижтимоий-иқтисодий ривожлантиришда аниқ мақсадга йўналтирилган муҳим дастурларини ишлаб чиқиш ва амалга ошириш;

деҳқон хўжаликлари, томорқа учун ажратилган ерлардан мақсадли фойдаланиш, мева-сабзавотчилик, чорвачилик, паррандачилик, балиқчилик, асаларичилик ва бошқа фаолият турларини ривожлантириш, қишлоқ хўжалиги ишлаб чиқаришини ташкил этишда фермер хўжаликларига кўмаклашиш бўйича чора-тадбирлар ишлаб чиқиш;

янги иш ўринлари яратиш, ишсизликни камайтириш ва меҳнат бозори самарадорлигини таъминлаш, ижтимоий хизматлардан фойдаланиш имкониятларини ошириш ва аҳоли турмуш сифатини яхшилаш;

туманнинг молиявий мустакиллигига эришиш ҳамда банк-молия соҳасини ривожлантириш натижасида аҳоли ва бизнес учун зарур шарт-шароитлар яратиш, ишлаб чиқариш инфратузилмасининг барқарорлиги ва ишончлилигини таъминлаш;

инвестиция жалб этишнинг самарали воситаларидан бири бўлган давлат-хусусий шериклик механизмларини транспорт, энергетика, йўл, коммунал, тиббиёт, таълим каби соҳаларга кенг татбиқ этиш;

барқарор иқтисодий ўсишни таъминлаш, миллий иқтисодиётнинг рақобатбардошлигини ошириш, саноат салоҳиятини мустаҳкамлаш ва ҳудудларни комплекс ривожлантириш мақсадида инвестицияларни жалб қилиш соҳалари ва тармоқларини аниқлаш орқали фаол инвестиция сиёсатини ишлаб чиқиш ва амалга оширишда иштирок этиш;

2021 йилда “Темир дафтар”га киритилган камбағал оилаларнинг ижтимоий ҳолатини яхшилаш, камбағалликдан чиқариш ва ўз ўзини банд қилишини таъминлаш мақсадида имтиёзли кредит асосида чорвачилик, тикувчилик, иссиқхона ва бошқа йўналишларда кредит ажратилишини тизимли равишда олиб борилишини таъминлаш чораларини кўриш вазифалари топширилсин.

3. Ушбу қарор ижросини назорат қилиш халқ депутатлари туман Кенгашининг Маҳаллий бюджетни шакллантириш ва ижро этиш, иқтисодий ислохатларни амалга ошириш ва тадбиркорликни ривожлантириш масалалари бўйича доимий комиссияси (М.Номозов) ҳамда туман хокимининг биринчи ўринбосари зиммасига юклатилсин.

Туман Кенгаши раиси


Б.Бахрамов